



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 2. Rex Petrus Regi Carolo certamen singulare offert.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Secul. XIII. Hujus Principis bellum contra Regem
 A. C. 1283. Arragonum est causa Dei, quia illius ho-
 stium perfidia ferendis terræ sacræ sup-
 petiis, quam Deus sibi omnium charissi-
 mam esse in litteris sacris indicat, impe-
 dimenta infert, ac Siciliam ejus sponsæ,
 Sanctæ Ecclesiæ, propriam aggreditur.
 Exsurgat igitur Deus, eosque celeri vin-
 dicta præveniens, pro se pugnantem per
 potentiam brachii sui protegat! Nos eis
 spirituale subsidium parare statuimus. Id-
 circo in Dei misericordia, & Sanctorum
 ejus Apostolorum autoritate confisi,
 Christianis omnibus, qui Ecclesiæ ac
 Siciliæ Regi contra Regem Arragoniæ
 Petrum, Siculosque rebelles, ac eorum
 socios præsto erunt, & hac pro causa in
 aliquo certamine occumbent, omnium
 noxarum, de quibus doluerint ex ani-
 mo, & quas ore confessi fuerint, ve-
 niam largimur tantam, quanta conce-
 di solet Palæstinam adjutum euntibus
 & has litteras in cunctis legationis
 tuæ locis, ubi censueris opportunum, pro-
 mulgari volumus. Dabat Urbe Veteri
 13 Januarii.

§. II.

*Rex Petrus Regi Carolo certamen sin-
 gulare offert.*

Cum Rex Franciæ Philippus Audax
 vali-

validum auxilium in Apuliam Regi Ca- ^{Sæcul. XIII.}
 rolo patris suo misisset, Rex Arragonum ^{A. C. 1283.}
 metuens, ut contra vires tam magnas ^{Duchesne}
 parata tuendo par esset, Carolo, cujus in ^{to. 5. p. 541.}
 genium generosumque noscebat ani-
 mum, dirimendæ controversiæ suæ cau-
 sa singulare certamen centum (Regibus ^{Acta post}
 comprehensis) ex utraque parte Equitum ^{Marc. Hisp.}
 primo Junii in plana ad Burdigalam ter- ^{p. 579.}
 ra neutrarum partium, quippe ad Regem
 Angliæ spectante, ineandum obtulit ita,
 ut, qui victus esset, aut in edictum locum
 non venisset, perpetua flagraret infamia,
 & dignitate nomineque regio careret.
 Carolus honorem suum postulare ratus,
 ut ne renueret talem provocationem, ac-
 cepit eam & nunciavit Papæ: qui, cum
 rescriberet, eum in hunc laqueum inci-
 disse admodum miratus, acerbis castiga-
 tum verbis ab exequenda promissione a-
 vertere pro viribus studuit.

Primum declarat nullam, quippe il- ^{Rayn. 1283.}
 licitam instar certaminis singularis per ^{n. 12.}
 Ecclesiæ leges vetiti. Absolvit Carolum
 a jurejurando, quo is sponsonem con-
 firmaverat. Hortatur & imperat, ut o-
 mittat omnia, quæ tanquam consequen-
 tia facere posset; alioquin ille anathema
 huic imitatur. Mittit ei Benedictum
 Cajetanum Cardinalem de S. Nicolao,
 ut rem ipsi explicet fufius, & ob oculos
 ponat periculum, quod suis terris per

Sæcul XIII. absentiam suam crearet. Dabat 6 Febr.
 A.C. 1283. Sed honoris studium potiores in animo
 Caroli partes obtinuit, qui adiit Fran-
 ciam, ut in loco edicto compareret.

§. III.

*Papa Regem Arragonum ex-
 thorat.*

to. II. conc.
 p. 1197.

Rayn. n. 15.

Sup. Lib. 87.
 §. 66.

Interim Papa suas contra Regem Petrum
 minas exequens edidit litteras, in
 quibus cum meminisset duarum, quas an-
 no priore diebus Ascensus Domini &
 dedicatæ S. Petri basilicæ pervulgasset:
 adjungit: Petrus Arragoniæ Rex ac re-
 belles Siculi nulla harum monitionum
 inhibitionumque, ac minarum ratione
 habita scelestam molitionem suam profes-
 cuti sunt ardentius. Ne igitur commi-
 nationes nostræ in contemptum veniant,
 si non dentur executioni, per hanc sen-
 tentiam ex consilio nostrorum Fratrum
 Cardinalium latam eundem Regem Pe-
 trum regno Arragonio, cæterisque pos-
 sessionibus suis, & dignitate regia priva-
 mus, ac terras ejus catholicis exponi-
 mus occupandas, prout apostolica Sedes
 statuerit. Illi subditos declaramus ab-
 solutos a juramento fidei: interdici-
 mus, ne Arragoniæ regimini ullo modo se im-
 misceat; & nequis ecclesiasticus aut
 profanus cujuscunque dignitatis ei hac in
 re